




7612.





210,-



PERSPECTIVE
contenant
la THEORIE, et
PRACTIQUE,
d'icelle.
par SAM. MAROLOIS
a la HAYE, chez

1614

TOUCHANT LA PREMIERE FIGURE
DE NOSTRE SECONDE PARTIE.

TEL laquelle nous faisons derechef mention du fondement & des raisons naturelles de la premiere pierre ou de la juste diminution de ceste premiere partie, selon l'art de la Perspective, commençant sur la base, la ou il y à des notes marquées par les nombres d' 1.2.3. jusques à 15. partant il faudra viser sur la partie droitement mise soubs la poincte de l'oeil, estants les parties de la base delinieés jusques à la poincte susdite, il faudra dresser en hault une partie quarree droitement, comme icy est marqué avec des petites pointes, si que autant que la partition marquée sur les deux lignes i. i. tombe plus estroictement sur le fond au dessus du carré, il s'ensuit fermement que la veve s'en raccourcit autant, ainsi qu'il est marqué icy avec deux estoillettes, ce raccourcissement tombe plus ou moins, à l'avenant que l'Orizon sera dressé soit hault soit bas. Ensuyvant lequel fondement, avons mis en ceste figure à l'un costé. Huit colomnes marquées par a. a. b. b. c. c. d. d. comme estans debout également, avec leurs plintes & basements de dessous, & leurs capitaulx avec des boules rondes sur icelles au dessus, de l'autre costé sont mises par vn mesme fondement les Pyramides marquées par e. f. f. g. g. h. h. situées chacune sur une partie du fond, & trois entre deux, par en hault & par en bas de l'Orizon, si que droit raccourcissement, est montre par des lineaments sur l'oeil, & des poinctes de l'Orizon, selon que icelles peuvent estre veves par l'ocil en ceste situation.

I I.

S'ensuit donques la seconde figure sur les regles de la Perspective comme parcy devant, en laquelle il y à une alleé ou galerie regardant interieurement de XX. parties hors du fondement, & en largeur sur la base douse parties, la ou il y à dedans trois figures sur une haulteur l'accourcissement par dessous, avec trois portes regardants à l'interieur

d'un costé, & une demi porte posée au devant, & de l'autre costé, il y à ausi deux portes sur lesquelles il y à deux pertuis ronds & mis comme regardans interieurement dans l'espasseur de la muraille, tout cecy y est demontré avec les lineaments de l'accourcissement tant par dehors que par dedans, selon les raisons naturelles de la Perspective.

I I.

Ceste troiesme figure, sur le fondement comme dessus, est une fort brave leçon ensuyvant l' 11. & 12. fig. de nostre premiere partie, estant icy deduict encores plus amplement, comment l'on doibt faire les pieces transportatives, tant par dessous comme dessus l'Orizon, & pour ce que on peut entendre facilement ceste figure par les lignes susdites, ne ferons plus longue deduction sur icelle.

I V.

Touchant la quatriesme figure, sur le fondement & regles susdites, il y à icy posé devant les yeux une bonne & ferme leçon, & le fondement pour dresser quelque Architectures en leur Perspective, selon la juste diminution de la premiere pierre, ce qui est icy demontré en quatre pilliers s'entresuyvans avec de lignes transparantes chascun, contenant une partie du fondement, & trois entre deux qui sont marques d' a. b. c. prenans leur diminution hors de l'oeil, & des poinctes de l'Orizon, comme il est à veoir par les trois lignes de la susdite poincte, qui sont marquées par e. e. e. & de l'autre costé avec f. f. f. estat la naturelle diminution de dessous, & sur les parties quarrees à l'opposite des dits pilliers, le millieu des perties se trouvent avec une ligne croiseé de puis vn coing jusques à l'autre, comme il ce monstre icy depuis g. h. & i. jusques au k. aquoy y est adjoinct un degré s'estendant depuis le fondement avec un bardis, & de l'autre costé une piece de l'Architecture, le tout en ses lineaments fermement demontré selon les poinctes susnommées, suyvant la susdite science de Perspective.

En la

V. En la cinquiesme figure il y est mis un bastiment de l'Architecture, avec une veve raccoucissante interieurement sur la poincte de l'oeil, consistant en trois colomnes, de l'un costé, & un regard interieur d'une chambre quarré de l'autre costé au dessous de l'Orizon avec un partiment à l'opposite regardant interieurement, comme encor plus hault une platte forme, en montant y sont monstrez deux lignes perpendiculaires par a. b. l'ouverture de l'huys raccorciissant est marquée avec deux lignes sur l'Orizon, l'ouverture des fenestres & la reste y sont aussi monstrez, le tout avec des lineaments par l'oeil & des poinctes de l'Orizon clairement mis devant les yeux.

V I.

VI X. En la sixiesme figure de ceste seconde partie, il y à mis un edifice de l'Architecture consistant en un Arcq du devant, & quatre autres regardants sur les deux costez, s'appuyans sur les pilliers quarréz, à la facon de la Toscana, sur quoy est dressée une platte forme regardant de loing en hault avec des pilliers quarréz, respondant sur les penetrantes en bas, tant au dessous que dessus, le fondement à ses lineaments selon l'accourcissement de la premiere pierre monstrée selon l'oeil & la poincte de l'Orizon, tout selon l'art de la Perspective.

V II.

S'ensuit la septiesme figure sur les fondements & raisons naturelles de la Perspective susdicté, consistant en cinq colomnes d'entresuite de deux costez projectées, la largeur au milieu de sept parties, trois separer des autres, & une partie du fondement dessous les plinthes desdites colomnes, l'Orizon estant icy mis sur les capitaulx pour monstren la situation du fondement selon l'accourcissement de la premiere pierre, comme aussi pour la veve interieure des colomnes, estant icy demonstre fermement en ses lineaments selon les poinctes de l'Orizon & de

l'oeil, & combien que les capitaulx de ceste colomnes sont posez en la hauteur de l'Orizon, si est ce qu'ils ont toutesfois leurs diminutions des poinctes susdites comme la figure le moustre.

V III.

La huietisme figure sur les regles & fondemens comme dessus, ou il y à un edifice de l'Architecture, consistant en quarrure sur seize colomnes chascune ayant trois parties de largeur hors du fond, l'Orizon est icy mis bien bas, pour veoir l'aspect contraire des precedentes, la ou l'on peut appercevoir la situation des capitaulx des colomnes contre le plat paviment l'accourcissement estant demonstre clairement avec ses lineaments de l'oeil & des poinctes de l'Orizon, selon la nature de la science de Perspective,

I X.

Touchant la neufiesme figure courcheé sur les regles fondamentales de la Perspective, ou il y à mis un excellent bastiment de l'Architecture regardant de costé interieurement, avec trois divers degréz du fondement descendant en bas, signé de a. b. c. & puis un degré en montant pour entrer jusques dans le portail du dict edifice consistant sur 4. colomines, tenat au dessus quatre Arcqs penetratifs de leur veve avec un au croisé, orné d'un costé & deux Pyramides avec un jardin de veve esloigné, qui est environné d'un Arcq de chariot, & encor un Arcq triumphal au milieu le tout constitué & demonstre selon la susdite Perspective avec des lineaments de l'oeil & des poinctes de l'orizon.

X.

XIX.

S'ensuit la dixiesme figure, en laquelle il y à de veoir un excellent bastiment de l'Architecture, consistant de devant avec deux Arcqs de veve interieure, & quatre de veve penetrative à travers, de deux costez entre chascune de ces portes y à des colomnes dressées sur des bases.

Cest

Cest edifice du devant jusques au derriere & d'enbus jusques en hault est demonstre par des lincaments avec de petites poinctes sur la poincte de l'oeil de son Orizon, en quoy consiste ladite figure, & c'est une facon de structure à la Dorique, avec ses ornement & projectons accordants sur les lignes susdites.

III V

S'ensuit l'onzieme figure sur les regles fondamentales de l'art de Perspective, en laquelle il y a des lineaments un Arcq triumphal regardant de travers, consistant sur deux Arcqs transparens au devant, l'un apres l'autre se projettant sur l'oeil des lineaments de l'Orizon, l'accourcissement de cecy depuis le bas jusques en hault, & du costé y est aussi demonstre, la situation de ce bastiment est monstre en la figure suivante, & peut estre entendue par son fondament tire de la quatriesme figure.

IV

En cette douxiesme figure il y est mis selon les raisons de la Perspective, le susdict Arcq triumphal estant huit angulaire du devant il y a deux colomnes sur des bases avec leur basements d'enbas & leurs capitaux du dessus de l'Orizon, & encor per dessus de leurs Architraves, Phrises & Coronides, par dessus les ornemens des compartimens & balustres, sur les coings il y sont adjoustez des Pyramides, posez sur des bases, & par en bas aucunz edifices projectez de loing, le tout selon les poinctes de la veve & de l'Orizon, demonstre sur les procedents lineaments & regles fondamentales de l'art de Perspective.

V

X I I I.

S'ensuit latresziesme figure sur le fondement & regles come dessus, en laquelle est mis un excellent edifice d'un Pallais antique yestant mis du costé un tres-exceller Ocsael. Sur quatre degrez de la haulteur du fonde-

ment, avec deux colomnes tournoyantes de facon dorique, ayant leurs patins, & ce qui en appartient à l'advenant de la haulteur, la dessus encor deux colomnes mises avec une gallerie de baloustres, tenant la dessus une voute croisee, de l'autre costé une fonteyne, & regardant plus au dedans il y est fait un fort beau regard des yeux comme le Pallais d'un Roy, consistant au dessus de colomnes pareillement situees, comme une gallerie la dessus des fenestres regardantes interieurement, avec des colomnes esgalemant posees entre deux, dessus cecy encor un parapeto de balloustres tout à l'entour, avec une tour quarree, ayant aussi son ornement comme il est à veoir en cette figure, le tout mis selon la poincte de l'oeil & des Orizons, selon la qualité & sur raisons naturelles, de la science de Perspective, l'Orizon estant de monstré avec une ligne piquee, ainsi que les amateurs peuvent veoir dans ycellé.

IV

X I V.

Ceste quatosziesme figure mise comme les precedentes sur la mesme regle & mesure en quoy il y a veoir un excellent Pallais Moderne, à ceste Situation Moderne onne donne point certaine mesure propre, si non que les colomnes faut estre prises sur la grosseur selon que l'ouvrage sera trouué gros & pesant, qu'on y voudra mettre dessus, cest edifice consiste du devant en un beau & transparant Ocsael s'appuyant sur quatre Pilliers, ayant au dessous chascun ses pieds & basements, comme plus haultes que les couronnements & embellissemens, des ouvrages taillez, encor cy jointes quatre colomnes transparantes, de deux costez tenant au dessus dans la voute trois croisades en cor plus hault par devant il y a des embellissemens taillez, le tout fait selon l'industrieuse facon des ouvrages modernes. Ces colomnes sont situees en quatre parties hors de leur fondement l'une de l'autre, la reste des edifices se projettans à l'advenant, le tout mis selon les raisons naturelles de la Perspective sur les poinctes de l'oeil & de l'Orizon diminuantes, comme le curieux escolier le trouvera.

En celle

X V.

En ceste quinzième sont figure mises plusieurs excellēts Edifices de l'Architecture de fort belle structure, en forme d'une plaisante Rue, chasque Edifice ayant ses particuliers embellissemens selon qu'il est requis, & le fondement de cecy peut être facilement entendu par les amateurs de la science, par les raisons cy dessus alleguees, les lineaments du fondement ne sont point faictz icy, à cause que nous representons une Rue, toutesfois la poincte de l'oeil & de l'Orizon sont icy demonstrees, sur quoy l'ouvrage entier se rapporte.

X VI.

En ceste seizième figure il y à comprises trois Leçons la première contenant la plus simple maniere pour mettre un sixangulaire en Perspective, selon l'amoindrissement juste de la premiere pierre, commençant de la base, la ou il y sont mises quatre parties pareilles, la il y faut laisser deux au milieu, & de chasque costé une, puis apres la diogonelle ligne tireé, & sur le milieu la ou elles s'assemblent designée avec une asterisque, il faudra y tirer une parallele, & par ainsi vous trouverez tous les coings, pour faire un sixangulaire, hors du bas du fondement, y est encor montré un second sixangulaire dessous l'Orizon, avec ses lignes perpendiculaires, designées comme estans debout, par a. b. c. d. e. f. comme de mesmes lignes la troisième par dessus l'Orizon, les angles demonstrez avec 1.2.3.4.5.6. Ceste leçon servira pour la suuyante dix-septiesme figure.

De l'autre costé il y à encor mis en Perspective, comme aussi en plate forme, la façon d'un oval, ce que communement on appelle un rond & demi, & la ou le cercle se croise, le compas estant, tire tout à l'entour de la ronde exterieure, ce que monte à six parties en longueur, & quatre parties & demie en largeur sur le plat, ainsi que semblalement en la petite forme ovale il est demontré.

Encot au milieu de cecy il y à un fondement à part, de six parties sur la base, comme aussi un l'accourcissement, pour montrer la plus courte maniere de mettre un octangulaire en Perspective, il faudra tirer le

diogenal d' 1. jusq' à 2. & de 6. jusqu'à 5. ensemble sur une poincte d'un costé & de 8. jusques à 7. & de 3. jusques à 4. sur l'autre costé de la poincte de l'Orizon, laissant 2. parties franches au milieu de cecy on peut conclurre un octangulaire, si donc que vous voulez cecy mettre en un Edifice, tirez sur chasque coing, en perpendiculaire, comme il est monstré par le sixangulaire susdict. Ces trois lessons sont faites selon la juste diminution de la première pierre, ainsi que cela se monstré par les lineaments de l'oeil & de la poincte de l'Orizon.

X VII.

Ceste dixseptiesme figure est sur le mesme fondement comme les precedentes, en la quelle il y est mis en perpendiculaire un Edifice six-angulaire de l'Architecture, constitué sur six colomnes, avec des Arcqs transparents, tenant une voute croisée, avec un pertuis rond au milieu, le milieu des Arcqs du costé assigné avec une ligne croisée, on fait au devants les Arcqs ronds hors du cercle. Cest Edifice est mis avec un regard interieur & de travers, selon la Perspective, autant que ceste constitution se pourra veoir, selon la poincte de l'oeil & de l'Orizon, demonstré clairement icy avec ses lineaments.

X VIII.

La dixhuictiesme figure mise sur le fondement mesure & raisons naturelles comme les precedentes, en la quelle y est mis un bassin d'une Fontaine, tenant en son quarré huit parties du fondement, de puis les quatre coings a. a. a. a. lesquels il faut tirer en bas si bas comme l'on voudra avoir profond le dict bassin, & hors dudit quarré le prendre jusques aux six demi rondes, laissant le quarré de chasque costé deux parties, la profondeur du fondemēt au milieu est designé avec b. & d'en hault avec la lestre c. de ceste leçon du fondement sont tireés en perpendiculaires lignes pointues soubs l'Orison, hors de tous les coings du bassin, encor un mesme bassin de fontaine hors desquels l'amateur de la science peut apprendre à mettre en Perspective toutes sortes de bassins de fontaine soit

soit hautes ou basses, selon la qualité de la dicté sciéce, démontré clairement icy par la poincte de l'oeil & de l'Orizon.

X I X.

Ceste dixneufiesme figure est faite hors du fondement precedent, & est une fontaine magnifique, avec ses lineaments à l'oeil, & démontré par les pointes de l'Orizon, & prouve cy devant du fondement tiré avec ses lignes. Aquoy sont adjoustez d'un costé une piece d'Architecture avec trois Arcqs interieurs, cōnie aussi un jardin avec une piece d'Edifice en son project, le tout mis sur les lineaments susdits, selon l'art de Perspective.

X X.

Ceste vingtiesme figure est faite pour entendre les Edifices à veoir d'embas jusques en hault, selon la Perspective, icy montré en une structure octangulaire, du commencement duquel on pourra tirer une ligne passant par dessus le poincte oculaire, ici notée avec la lestre ^a, & puis des coings de devant une ligne marque avec ^b, faisant lesemblable de l'autre costé, venant du commencement de la patine, jusques au chapiteau, & ainsi en avāt jusques à ligne susdite de l'oeil, la ou il y à les deux lignes ^b. croisees l'une par dessus l'autre, ce que se monstre depuis le quarre voyant à travers, ainsi trouvera on aussi la situation de l'autre, & des lignes de la colomne tiree hors de la poincte de l'oeil marquée de ^{f.g.h.i.k.l.m.} montrant on l'ondoibt trouver les colomnes raccourcissantes & ce qui en concerne, il faudra mettre, cela est icy démontré clairement, comme la lestre ^c. ^d. tiree sur le mesme poinct de la lestre ^b. montrant les diminutions ulterieures comme estant plus haultes, & est icy encor designé un raccourcissement selon la haulteur tout par les raisons naturelles de la Perspective, comme le studieus Amateur pour veoir en tout cecy.

X X I.

S'ensuit la vingtunesme figure mise sur le fondement & raisons naturelles de la science de la Perspective, en laquelle est mis un excellent Edifice de l'Architecture, consistant sur quatre colomnes s'entretenant selon la poincte de l'oeil, & la dessus estant mises les Architraves, Phrisées & coronisées, comme encor par dessus cela, adjoustez des colomnes semblables aux precedantes, avec un parapetto de balustres, & dessus cela encor une gallerie comme la precedente diminuant selon la dict Perspective. Cest Edifice avons mis cy dessous selon la veve vers le hault, commençant depuis l'Architrave inferieur tendant en hault, la doctrine de le mettre ainsi est déclaré en la precedente, ceste cy est misé pour refraichissement de la memorie, & pour plus donner de delication.

X X I I.

En ceste vingtendiesme figure avons mis un Edifice de l'Architecture regardant interieurement de hault en bas selon la science de Perspective, combien qu'ons donné de cecy une leçon en la figure 39. de nostre premiere partie, si est ce que ceste cy est aussi fort nécessaire d'estre entendue, pour comprendre la constitution de ceste figure il faut mettre premierement le fondement quarre au dessous, comme est démontré es figures precedentes, sur cecy sont mises des colomnes doubllement posées en leur quarre, par dessus le millier desquelles on tirera les lignes de la poincte de l'oeil montant jusques au plus hault, icy sont montré & mis les colomnes les une par dessus les autres & par dessus ycelles en la mesme place les Pyramides, de ceste figure on peut apprendre à mettre autant de galeries comme l'on voudra faire, regardants interieurement, la position desquelles comme aussi de l'Edifice entier avec les parties fondamentales du dessus & du dessous monstrent au spectateur selon certaine contrepointe, sur quoy gist l'ouvrage entier en sa longeur, & sur le fondement il y à une poincte de l'oeil, sur quoy se va diminuant la structure de hault jusques en bas, selon les raisons susdites de la Perspective ainsi que le studieus Amateur trouvera.

S'ensuit

X X I I I.

Sensuit la 23. figure, sur fondement & lineaments comme au paravant en laquelle nous avons mis une fort magnifique sepulture, constituée en six colonnes transparantes avec des ornements fort beaux, depuis leurs basements jusques aux chapiteaux d'icelles, ainsi que cest ouvrage in composita le requiert, la structure de ce fondement peut le studieux Amateur de la scieuse bien comprendre par la quatriesme figure cecy dessus alleguee. Et sur cecy finisans nostre ouvrage de la Perspective esperons que nostre labeur precieux sera trouvé agreable & pris de bonne part.

B R E F V E D E D V C T I O N D E S P R I N C I P E S E T C O M M E N C E M E N T S D E T O V T E L A R chitecture, & sur ceste vingt & quatriesme figure de la colomne D O R I C A comme la source des autres quatre colonnes.

Ensuivant ceste nostre vingt & quatriesme figure , vous conduisant par icelle jusques à la symmetrie de l'Architecture en laquelle est posé la colomne D O R I C A laquelle (ainsi que les anciēs escrivains raccōtent) à este la premiere de toutes les autres, pour scavoir l'origine de cecy, il faut entendre que par Dorus, la colomne D O R I C A à eu son appellation, & qu'en ceste maniere quand Dorus en Achaia & Peloponēsa regnoit, il fonda une ville en Argos, & en ycelle un temple Phané, le premier (ainsi qu'un dict) à l'honneur de Iunon, & la on bastissoit plusieurs villes toutes sur la mesme façon, ceux d'Athenes avecq commun accord sont partis en Asie, & y ont basti diverses villes, & quād les temples des Dieux payens furent bastis, on commença de ces Phanes, & premièrement à Appollo, Pandion, tels temples comme ils les avoyent veu en Achaie, les appellant D O R I C A, pourautant qu'ils les avoyent veu es villes que D O R Y S avoit basti, & voulans eriger des colonnes

ils ont pris esgard sur la stature d'un homme , trouvans iceluy par tout six deses pieds de haulteur, ainsi ont ils cecy mis en oeuvre, faisants y celles colonnes six fois en leur haulteur , avec le chapiteau selon la grosseur de dessous, ceste colomne à este depuis faicté en sept parties par ceux de la posterité, pour la beauté, puis apres on y a trouvé encor comme l'Ionica selon la proportion des femmes, ainsi qu'elles ont en pied moings, ils ont fait le diametre en huit & demi selon la grosseur au dessous, encor y ont ils trouvé dy joindre un autre plus destié selon la tendresse de filles, & decy sont issus les raisons de l'Architecture. Nous avons adjousté derriere à nostre ouvrage de la Perspective la Dorique, avec les noms accoustumez d'ycelle, & la juste mesure depuis la plinte jusques au chapiteau, à l'aide de ceux qui s'y entendent aucunement, & ne scavent nommer l'ouvrage de ses propres appellations, & cecy selon que le plus anciē authur des Arcgitectures Vitruve les à nommez.

Les patins, ou stilopoles ou pied de colomnes leur simmetrie on fait ainsi, commençant du Plinthe sur le fond , la ou il y est mis sur la largeur de l'espesseur de deux colomnes, & en haulteur trois colomnes d'espesseur, cecy divisé en huit parties, de six on erige le stilobal, & deux se laissent pour les projectures , une d'icelle c'est la haulteur du Plinthe & une partie à la base, & le souverain climat est aussi autāt large, avec la coronalise entailleé avec Triglifi & Methope , aussi avec Tenia & les Guttas la ou on y met les spires dessus, à la largeur du stilobat , laquelle se fait, que la largeur avec le Plinthe est la moytie de la grosseur de la colomne & les projectures appellees Ecphoron sont contenues de la sixiesme partie, les quatre parties demeurent aux colomnes si que ils sont longues & larges une fois & demi de la grosseur de colomnes , la haulteur sera Atticurga, la spira D O R I C A est partie le dessus sur la tierce partie de la grosseur de la colomne la reste est divisée en quatre parties, d'une partie se fait le thore du dessus, les autres trois se divisent en deux de l'une partie la plus basse thorus de l'autre les quadres & scotie, ce que les grecqs appellent Trochilos, la colomne peut on stirer avec xx. stries, le chapiteau est hault de la moytie de l'espesseur des colōnes de dessous & l'on partie en trois esgales parties, une d'esquelles à le Plinthe avec la cimatiel l'autre l'Echine avec les amules, la troisieme le Hipotrachelium, mais

mais avant que de monter plus hault, il faut scavoir que la moytie de la grosseur de la colomne de dessous partie en deux, est la Modelle de tout l'ouvrage, ainsi est la colomne Dorica au dessous grosse de deux modelles, & haulte avecq les chapiteaux quinze Modelles, la haulteur de l'epistile est d'une Modelle avecq la Teniae & Guttæ, la Tenia est la septieme partie du modelle, la subtenia avecq la Guttæ aliencontre les Triglyphes de la sixiesme partie seront affichez, la largeur plus basse de l'Epistile sera semblable à l'Hipotracholis au dessus de la grosseur de la colomne sur l'epistile sont potez les Triglyphes, avecq la Methope, en haulteur de un & demi modelle, le Triglyphes est large d'une Modelle, la sixiesme partie du Triglyphos se perd de chasque costé d'une moytie, si qu'il en demeure cinq parties, la Methope entre le Triglyphos fait on quarré les chapiteaux des Triglyphe de la sixiesme partie du Modelle dessus des chapiteaux on met la courone en des projectures, de la moytié de la sixiesme partie d'une Modelle ayant le simatum Dorianum dessous & dessus, ainsi que l'amateur de ceste science verra en ceste xxiiij. figure. De laquelle vous apprendrez aisement les autres colonnes, & cecy pour le plus court comme avons trouué expedient jusques à la conclusion de nostre seconde partie de Perspective, pour estre appris, priant tous amateurs discrets de prendre en gre nostre labeur, & y prendre plaisir de l'esplucher ainsi que l'on trouvera que nous avons procede en cecy. Adieu soyez-


S O N N E T.


Vous qui loing voyagez, pour pouvoir mieux apprendre,
C'est art de Perspective, & tousiours retournez,
Apres un long travail, sans estre contentez,
Et sans avoir trouvé, ce que voulez entendre,
Qui tousiours sonz espoir, de plus sage vous rendre,
Tant de livres divers, lisez & fevilletez
De tant d'Auteurs songeurs, desquels vous oubliez
Tout ce qu'en avez leu, plustost que le comprendre,
Venez, voyez icy ce que vous cherchez tant,
I A N V R E D E M A N F R I S O N, le vous va presentant,
Affin que vous soyez de ce soucy de livre
Car pour vous contenter en bel ordre il la faict,
Et H E N R Y H O N D I V S la taille & parfaict,
Chez qui vous trouverez à L E Y D E N ce beau livre.


B A L L A D E.

Combien que Dieu Crea l'homme à sa ressemblance,
Sainct & bon toutesfois il se laissa tromper
Par Satan qui subtil, de l'estat d'innocance
Fit tout le monde & luy en la mort trebucher,
Dieu tout bon cependant, ne voulut retirer,
Son Sainct Esprit du tout, ains de sa grace pure,
A donne les Payens qui se sont fait nommer
Sages, en plusieurs arts, & grand dons de nature,
Plus que le peuple Juif, & d'un los qui leur dure,
Ont trouve les sept arts, souz lequel on peut bien
La belle Perspective, & sa juste mesure,
Comprendre entant que c'est un bel art qui en rien,
Ne cede aux autres arts, car mesme on voud combien,
Il sert à embellir les belles pourtraictures,
Qui prennent de c'est art leur regle & leur raison
Comme je monstre assez en toutes ces figures,
Oul on voud de l'Esprit de Dieul' art & le don.


A L E Y D E N,
CHEZ HENRI HONDIUS, TAILLIEVR
en cuyure. Anno 1605.










2





























Orison











8


B
































P. V. inv. H. Hondius sculp.




















Orion.












D. sculp.


19






















DORICA
prima origo quinque
columnarum.





S. 61

30687


23.7.59.

AB-

210,-

AB-

124



POLITECHNIKA KRAKOWSKA
BIBLIOTEKA GŁÓWNA

III L. INW. 41721

Kdn. Zam. 480/55 20.000